


現今世界大勢論

光緒二十八年四月二十初版
光緒三十年四月第四次付印



著者

新會飲冰室主人

發行者

上海英界租盤街中市
廣智書局



(現今世界人勢論)

844999

現今世界大勢論叙目

(附錄滅國新法論)

士生今日之中國。不務反觀內省。竭精慮以圖張國力。養民德。而芒芒然搖筆弄舌。規畫天下五大洲之形勢。可謂不知本矣。雖然。慈兒處火宅而酣嬉。盲人臨深池而躑躅者。彼不知有險象。而奚從畏也。魚見毛嫵而深入。鳥覩西施而高飛者。彼不知有美色。而奚從戀也。然則今日中國之人士。不能反觀內省。竭精慮以圖張國力。養民德者。得毋因其於天下五大洲之形勢。見之有未察耶。使其能游目於本國之外。觀他國所以自強之道。及其所以謀我之術。一一探其朔燭其微。而因以自審焉。當必有瞿然汗流浹背。劍及屣及。以從事於世界競爭之舞臺者。然則語國民以現今世界之大勢。其亦非詞費也。避地海外。日親典籍。偶讀美人靈綬氏所著『十九世紀末世界之政治』。潔丁士氏所著『平民主義與帝國主義』。日本人浮田和民氏所著『帝國主義論』等書。因撮譯其意。參以己見。著爲是篇。意不在客觀之世界。而在主觀之中國人心。壬寅三月。飲冰室主人自叙。

507395/08

欽命二品頂戴南分巡蘇松太兵備道袁

爲

給示諭禁事本年二月二十二日接

英總領事 霍來函以香港馮鏡如在上海開設廣智書局繙譯西書刊印出售請出示禁止翻刻印售並縣解一體示禁附具切結聲明局中刊刻各書均係自譯之本等情函致到道除分行縣委隨時查禁外合行亟出示諭禁爲此示仰書買入等一體遵照毋得任意翻印漁利倘有前項情弊定行提究不貸其各毋瀆遵違切切特示

光緒二十八年

三月 初二

欽加三品銜賞戴花翎在任候選道特授江蘇上海縣正堂汪

出示諭禁事奉

道憲 札接

英總領事霍 來函以香港人馮鏡如在上海開設廣智書局繙譯新書刊印出售請給示禁止翻刻印售並行縣解一體示禁道由到道札縣示禁等因到縣奉此合行出示諭禁爲此示仰書業人等知悉嗣後不准將廣智書局刊印各種新書翻刻出售如敢違定干查究其各瀆遵切切示

光緒二十八年

三月 十七

日示

欽命二品頂戴 南分巡蘇松太兵備道袁

爲

給示諭禁事本年二月二十二日接

英總領事 霍來函以香港馮鏡如在上海開設廣智書局繙譯西書刊印出售請出示禁止翻刻印售並縣解一體示禁附具切結聲明局中刊刻各書均係自譯之本等情函致到道除分行縣委隨時查禁外合行取出示諭禁爲此示仰書賈入等一體遵照毋得任意翻印漁利倘有前項情弊定行提究不貸其各毋違違違切切特示

光緒二十八年

三月 初二

欽加三品銜賞戴花翎在任候選道特授江蘇上海縣正堂汪

出示諭禁事奉

道憲 札接

英總領事霍 來函以香港人馮鏡如在上海開設廣智書局繙譯新書刊印出售請給示禁止翻刻印售並行縣解一體示禁道由到道札縣示禁等因到縣奉此合行出示諭禁爲此示仰書業人等知悉嗣後不准將廣智書局刊印各種新書翻刻出售如敢違定干查究其各遵違切切示

現今世界大勢論 叙目

第一章 緒論

第二章 歐洲之現狀

第三章 歐洲各國之現狀

第四章 歐洲各國之現狀

第五章 歐洲各國之現狀

第六章 歐洲各國之現狀

第七章 歐洲各國之現狀

第八章 歐洲各國之現狀

第九章 歐洲各國之現狀

第十章 歐洲各國之現狀

第十一章 歐洲各國之現狀

第十二章 歐洲各國之現狀



第一節	論民族主義之進步	一葉
第二節	論民族帝國主義之由來	三
第三節	論英吉利帝國主義	七
第四節	論德意志帝國主義	一〇
第五節	論俄羅斯帝國主義	一六
第六節	論美利堅帝國主義	二〇
第七節	論今日世界競爭之點集注於中國	二四
第八節	論各國經營中國之手段	二七
第九節	論殖民政略	三一
第十節	論鐵路政略及傳教政略	三六
第十一節	論工商政略	四〇
第十二節	結論	四五

現今世界大勢論

飲冰室主人譯著

第一節 論民族主義之進步

天下勢力之最宏大最雄厚最劇烈者必其出於事理之不得不然者也。自中古以前，羅馬解紐以前歐洲之政治家常視其國爲天下，所謂世界的國家。World state是也。以誤用此理想故，故愛國心不盛，而真正強固之國家不能立焉。按吾中國人愛國心之弱其病源大半坐是而歐人前此亦所不近四百年來民族主義日漸發生日漸強達遂至磅礴鬱積爲近世史之中心點。順茲者興逆茲者亡。所號稱英君哲相如法王路易第十一顯理第四英女王意里查白英相格林威爾渣沁意相嘉富洱德相俾士麥皆乘此潮流因勢而利導之。故能建造民族的國家聲施爛然苟反抗此大勢者雖有殊才異能卒歸敗衄。法帝拿破侖是也。拿破侖所以取敗者由欲強合無數異種異言異教異習之民族而成一絕大之帝國。其道與近世史之現象大相反其不能成也固宜。

夫此民族主義。所以有大力者何也。在昔封建之世。羅馬以前歐洲之封建時代也。分土分民。或同民族而異邦。或同邦而異民族。胡漢吳越。雜處無猜。及封建之弊。極於墜地。民求自立。而先自團。於是種族之界。始生。同族則相吸。異族則相反。撥苟爲他族所箝。制壓抑者。雖粉身碎骨。以圖恢復。亦所不辭。若德意志。若意大利。皆以同民族相吸。而建新邦。若匈牙利。以異民族而分離於奧大利。皆其最著者也。民族主義者。實製造近世國家之原動力也。

此主義既行。於是各民族咸汲汲然務養其特性。發揮而光大之。自風俗習慣法律文學美術。皆自尊其本族所固有。而與他族相競爭。如羣虎互睨。莫肯相下。範圍既日推日廣。界線亦日接日近。漸有地小不足以回旋之概。夫內力既充。而不得不思伸於外。此。事。理。之。必。然。者。也。於是。由。民。族。主。義。一。變。而。爲。民。族。帝。國。主。義。遂。成。十。九。世。紀。末。一。新。之。天。地。

民族帝國主義有兩種。其發生皆不自今日。今則合一爐以冶之而已。甲種者優強民族自移殖於劣弱民族所居之地。終其臂而奪之。若英國是也。英人自中古以來。與羅

馬帝政不相容。去而自立。實爲民族國家發生之嚆矢。故其民族帝國主義。亦著先鞭。得善處屬地之法。遂能控馭全球。凡日所出入處。皆見其國旗焉。乙種者。優強民族能以同化力。能化人使之同於我謂之同化力。吞納劣弱民族。而抹煞其界限。若美國是也。美國百餘年來。由大西洋之十三省。逐漸擴充。奄有太平洋岸全陸之地。自三百萬人增至八千萬人。固由吸集同族之效。亦未始不因買受併吞他國之屬土而同化其民之所致也。今日之美國。尙能容納德意志愛爾蘭之移民。綽有餘裕。皆其同化力强盛使然也。

第二節 論民族帝國主義之由來

近世諸儒之學說。其於孕育民族帝國主義與有力者。不一家。而以嗎兒梭士 *Nat. Dur* 英人生於一七六六。年卒於一八三四年。達爾文 *Dar. Winciales* 英人生於一八〇九。二氏爲最。瑪氏嘗著人口論一書。謂人類日漸繁殖。其增加之率。常與食物之增加不能相當。食物之增加。算術級數也。即由二而四。而十。六而三十二是也。人口之增加。幾何級數也。即由二而四。而八。而十六是也。苟無術以豫防之。則人滿之患。必不能免。而戰爭疾疫自殺之風。將日盛。此論一出。大聳動全歐之耳目。而政治家之思想。幾爲之一變。按瑪氏謂人口之增加。以幾何級數實屬杜撰。後儒駁正之者。已不少。其所論豫防之法。亦不可行。要其

立論之大體則實為近世政策之一轉捩也。當瑪氏以前歐洲列國尚以獎勵產子為急務。年英一千七百九十六年英國著名之凡民能生多子以富國家者可有權要求政府使教育其子。千八百零六年著名之英人亞當斯以上者可享免稅之特權。及於今日則除法蘭西一國外殆無不以人滿為憂者矣。法國人口增加最少詳見下表。以此之故千八百八十五年議員俾阿氏提案於議院謂民年法法著名之貧家有子七人者以公費教之養之又今有及歲而不婚者則課以重稅。今試舉近百年來歐美各國人口增進之大概列表如下。

	一八〇〇年	人口	一八八〇年	人口
英	一五、五七〇、〇〇〇	來	三四、六五〇、〇〇〇	
法	二七、七二〇、〇〇〇		三七、四三〇、〇〇〇	
德	二二、三三〇、〇〇〇		四五、二六〇、〇〇〇	
奧	二一、二三〇、〇〇〇		三七、八三〇、〇〇〇	
意	一三、三八〇、〇〇〇		二八、九一〇、〇〇〇	
班	一〇、四四〇、〇〇〇		一六、二九〇、〇〇〇	
合計	一七二、二六〇、〇〇〇		三二二、九九〇、〇〇〇	

此八十年前增進之大略也。其中速率最著者。尤以德俄美三國爲甚。德國當千八百五十年。只有三千五百三十萬人。至千九百年。則有五千六百三十四萬人。俄國當千八百五十年。只有六千八百萬人。至千九百年。則有一萬二千九百萬人。美國當千八百百年。只有五百三十萬人。至千九百年。驟增至七千六百三十五萬人。美國人口由外居多。以此之故。歐洲區區之地。斷不能容此孳生蕃衍之民族。使之各得其所。勢固不得不求新政策以調劑之。此事理之易見者也。於是乎殖民政略遂爲維持內治之第一要著。此近世帝國主義發生之原因也。

前代學者大率倡天賦人權之說。以爲人也者。生而有平等之權利。此天之所以與我。非他人所能奪者也。及達爾文出發明物競天擇優勝劣敗之理。謂天下惟有強權強者有權利。更無平權權也者。由人自求之。自得之。非天賦也。於是全球之議論爲一變。謂之強權。各務自爲強者。自爲優者。一人如是一國亦然。苟能自強自優。則雖翦滅劣者而不能謂爲無道。何也。天演之公例則然也。我雖不翦滅之。而彼劣者弱者終亦不能自存也。以故力征侵略之事。前者視爲蠻暴之舉動。今則以爲文明之常規。歐美人常揚言曰。

全世界三分之二爲無智無能之民族所握。不能發宣其天然之富力。以供全球人類之用。此方人滿爲憂。彼乃貨棄於地。故優等民族。不可不以勢力壓服劣等者。取天地之利而均享之。其甚者以爲世界者。優等民族世襲之產業也。優等人斥逐劣等人而奪其利。猶人之斥逐禽獸。實天演強權之最適當而無慙德者也。茲義盛行而弱肉強食之惡風。變爲天經地義之公德。此近世帝國主義成立之原因也。

由此觀之。則近世列強之政策。由世界主義而變爲民族主義。由民族主義而變爲民族帝國主義。皆迫於事理之不得不然。非一人之力所能爲。亦非一人之力所能抗者也。今請就諸國中。擇其有代表帝國主義之資格者而論之。得四國焉。

第三節 英國之帝國主義

其一英吉利。英國本境之人口不滿四千萬。而其謀生於海外者。殆倍之。人口日日增多。而三島之面積不加廣。物產不足以給民用。故英國若一旦失其屬地。不特富源立涸而已。而國威民力。皆隨而衰頹。國民之品性。且將漸滅。勢必與古代之雅典羅馬同列於亡國之籍。故英人之帝國主義。非直爲進取計。不得不然。卽爲保守計。亦不得。

不然也。英國今日之盛強。半由煤礦之豐富。據千八百七十一年政府所報告。謂本國之煤。尙足供三百年之用。然邇來英人用煤之率。日增月加。曾靡底止。故其勢不久。必須仰給煤炭於本境以外。或者謂英煤涸竭之時。卽英國衰亡之日。非過言也。況其製造之品。消售於屬地者。常視他國有加焉。彼英屬地之依賴母國。不如其母國之依賴屬地爲尤重大也。故英人之政策。務使其母國與屬地永不相離。不惟保守其版圖而已。又使其海陸通航之路。交通便利。以是爲第一要義。以故海軍之關繫。日益重焉。海軍既重。故屯泊貯煤之灣港。亦隨之而重。英國所行於東洋及亞非利加之政略。皆以此爲根據者也。彼其保護土耳其。占據賽布拉士島。皆所以防俄國之蠶食。保地中海之航路。使英國與印度交通之鎖鑰。不至授人也。其市恩於意大利。助其獨立。用術於埃及。握其國權。亦皆爲地中海蘇彝士河之運航權也。近者與杜蘭斯哇之戰。不惜糜重帑。菅人命。擲獅子搏兔之全力。所以保好望角之權利也。彼波亞民族。日新月盛。屢屢有爲南非全境主人翁之勢。英人非挫摧之。則其在非洲之權力。將墜於地也。故英國北自君士但丁奴不。土耳其京城南至好望角。其所行之政策。皆自保護航路而生者也。

保護航路。即使母國與屬地永不相離之第一著也。

英人之所汲汲者。又不徒在海權而已。於大陸交通機關。亦絲毫不肯讓人。近以俄人西伯利亞鐵路將成。思所以抵制之。乃擬築一大鐵路。自亞歷山大利亞。經波斯灣沿岸。橫貫印度。接緬甸。由瀘州出揚子江。以通上海。一以鞏勢力於印度。二以張威權於波斯灣沿岸。諸國三以通血脈於支那。而現時印度境內已成之鐵路二千餘英里。實利用之以爲此路之一部。其規模之宏遠。實有使人驚歎而不能措者。

英國工商之國也。無商利是無英國也。近年以來。德國美國之商業驟進。駸駸乎有駕英而上之勢。疇昔英人於加拿大澳洲印度埃及其餘屬國保護國。皆專握商權。近則國民之競爭愈劇。新屬地之貿易。容易不肯爲母國之附庸。故今者英國商務。除澳洲印度外。皆日見減色。於加拿大古巴爲美國所奪。於亞爾焦利亞爲法國所奪。於南美爲德國所奪。其在澳洲能保其舊位者。不過其地之民。與母國同嗜好同習慣。故日用飲食之品物。多取給於母國云爾。然則英國今日之政策如何。英國自二十年來。產業之發達。既臻絕頂。昔爲世界工業之中心點者。今則變爲世界資本之中心點焉。自

美國行保護稅則。免出入口稅者謂之自由稅則。拒英國之貨物。英人乃以資本代貨物。美國各省所有大製造大公司。英人皆投資本而分其利。於非洲南美等處亦然。於亞洲亦然。故今日全球到處。幾無不有英人資本之安置。而其此後進取之政策。惟以擴充其工業資本兩者之勢力範圍為務。此亦不得不然之數也。因此之故。其所最切要者。在使世界各地。皆平和秩序。若夫政治樞機不完不備之地。其政府之能力薄弱。難保秩序。或官吏腐敗。苛法紛紜。則放置資本於此間。最為危險。工商之業。末由繁榮。乃不得不預其內政。代組織一強固而有責任之政府。於是經濟上。日本人謂凡關係於財富者為經濟之勢力範圍。遂浸變為政治上之勢力範圍。此其政略。不獨英國行之。而英國其尤著也。

第四節 德國之帝國主義

其二、德意志、歐洲列國中。其最能發揮現世帝國主義之特性。代表近來世界歷史之趨向者。莫德國若也。德人行帝國主義之政策。不過近十年事耳。當俾士麥時代。德政府專以一統國民為急務。若夫動遠略以馳域外之觀。鐵血宰相所未遑及也。彼非

不熱心以獎勵殖民。但其殖民事業。不過爲擴充商務起見。於政治毫無關係。及千八百九十年以後。而德之政略一變。蓋經俾公三十年之經營。慘淡。國權既已整頓。國力既已充實。精華內積。而不得不溢於外。俾公之商業政策。既已使德國工商。雄飛於世界。而商業競爭之劇烈。其影響自及於政治。而政府不得不以權力保護之。然則由俾士麥之國民主義。以引起。今皇維廉第二之帝國主義。亦事勢之不得不然者也。

德國雖稱雄於歐洲中原。然以無屬地故。其溢出之人口。皆移住於美國。旋同化於美人。德人徒矢其國民。而於國力不能有絲毫之增益。今美國人口三分之一。皆吸收德意志民族者也。德之愛國者。怒焉憂之。漸知殖民政略之不可以已。前柏林大學教授脫來焦氏之政治學講義有云。『今日國際歷史。日以發達。勢將壓迫第二流以下之國家。使失其獨立。我德人徒局眼光於歐洲之天地。而未嘗放觀歐洲以外之天地。今者蕩蕩全球。幾爲英俄兩國所中分。其尚有容我德人之一席否耶。此可爲浩歎者也。』又云。『白種人必握世界之全權。無可疑也。但白種中之諸民族。果誰能捷足以得此權利乎。吾得以一言決之曰。苟無屬地於海外者。必不足以入於強國之林也。』云。